

台北市立內湖高工

113 學年度校內語文競賽

客語朗讀篇目(高二組，海陸腔)

第一篇

【攀樹】徐姿華原作

六月初，學校安排僮兜體驗「攀樹」，請來當有經驗个教練團教僮兜爬樹。在活動該日，大家都當期待，先生帶等興蹀蹀¹个僮兜來到集合地點，教練先講解規則摶注意事項，逐儕目金金、耳角角仔聽到當入文，摶平常時上課昏哆昏哆²个樣仔爭盡多。

續下來，教練教僮兜著護具、戴手袋仔摶安全帽，帶僮兜去到學校該頭百過年个大榕樹下。其他个教練既經先準備好勢，摶當多定滑輪並索仔固定在樹頂，這斯係僮兜愛攀樹个工具。攀樹摶爬樹無共樣，攀樹係運用攀樹索、吊帶、鉤環、踏索這兜，手腳搵動出力，撐起軀身一步一步攀往上；教練講解並示範過後，愛換僮兜上場咧。

正起勢，逐儕都驚驚仔毋敢僂兼去，大膽个阿智好搯搯仔³搶先愛攀，體育股長阿宏也行前去。教練口頭指導，佢兜當順序慢慢緊攀緊高，攀到離地 4 公尺恁高个時節，還笑咪咪翕相留念；佢兜過繼續緊攀往上，直直到教練設个目標 8 公尺高該位，拿著

「攀樹證書」正坐落樹梗奈一下；佢兩儕在樹頂當歡喜，緊喊僮兜遽遽攀，講樹頂當好搞。

僮攀樹該時當緊張，手腳摶動作搵毋著，索仔拉到歪歪斜斜，一下撞著樹、一下晃到碰著同學。阿芬也無較慶，索仔拉到換換轉，硬硬會打結。一時節，樹頂、樹下有人笑到哈哈滾；有人驚到腳底撓撓緊嗽眊，非常鬧熱。當無簡單，僮攀到 5 公尺高咧，手軟腳犁想愛停下來，在樹頂个教練斯搵手分僮坐在樹梗町歇睏。僮扶等樹樑緊啟大氣，涼風吹來摶頭先个煩躁、緊張吹毋見忒；對樹頂看出去遠遠个所在，闊野野、黃恁恁个田摶青山襯等藍天白雲，正經分人心情鬆爽。

好點點一列紅色間等白色个普悠瑪號火車對田臀颯啊過，「哇！火車！」樹頂个同學做下大聲嘶，還在樹下个同學斯脰有⁴看往上，等毋得著好遽遽攀上樹頂共下奈。

這擺攀樹，有人驚高、有人毋敢躡⁵上樹樑，驚該旨踏著樹樑、無把扼个感覺。毋過，經過教練、同學个搵手摶鼓勵，逐儕都學會信付、承擔、合作摶勇敢；也分僮兜知得面對困難莫跂跂⁶、總愛膽在在去克服，身邊定著會有人肯摶佢搵手啦！

¹ 興蹀蹀：音 himˋ diaˋ diaˋ；興匆匆的。

² 昏哆昏哆：音 fun de fun de；非天生因素造成的頭昏腦脹。

³ 好搯搯仔：音 hauˋ ziedˋ ziedˋ er；興沖沖的樣子。

⁴ 脰有：音 goiˋ rhog rhog er；羨慕得流口水的樣子。

⁵ 躡：音 kiam+；跨越。

⁶ 跂跂：音 giuˋ giuˋ niuˋ niuˋ；畏縮怕羞的樣子。

第二篇

【屋下个燕仔】曾俊鑾原作

又到燕仔轉來臺灣个季節咧，逐位都聽得著嘑嘑啾啾个叫聲。

十五年前，老屋飛來一對燕仔，該年降三寶，頭寶無出子，第二寶嘅有一隻白色个燕仔。

聽講，頭擺人想愛證明燕仔明年會轉寶無，斯在燕仔个腳叮縳一細截紅線。佢屋下毋使恁麻煩，因為連續八年，最少有一隻白雪雪个鳥子孵出來，最多个係一寶三隻。這係「白化症」，生來就有个遺傳病，本成就盡罕得看著，毋知係烏公抑係烏嫲摺這種基因傳分後代？

鳥子一出世，烏公、烏嫲日時頭總係無閒直掣，飛往出飛往入，啣等細蟲仔飼鳥子，烏白不管，逐隻都有分。當像飼毋飽樣，烏公、烏嫲一飛兼，鳥子个背就擘到大嫲隻。到暗晡頭，一隻在烏寶掌等，另外一隻就在無幾遠个門鈴頂背歇睏。來幾輪過後，屋下人就喊佢兜係「屋下个燕仔」。

烏公、烏嫲逐年二月中轉來，時間差毋多會到咧，屋下人斯會頭臥臥仔緊望；到十月佢兜就跔等北風下南，闊闊个天時坪一

眨目又變到冷冷落落。佢兜毋識共下轉屋，會所爭兩三日，逐擺重逢，幾暢你就毋知！嘑嘑啾啾鬧熱煎煎，樹尾、花園、天頂都係佢兜活跳玻璃翼¹个形影，續下來就看佢兜聯合起來逐走屋簷鳥，因為佢兜下南个時節，寶會分屋簷鳥號走。佢摺屋下人長透坐在交椅頂，看佢兜整寶、絡食、唸嘴、孵卵、飼鳥子，摺一寶過一寶正學會飛个鳥子送走，反反覆覆，一年過一年。

毋過，天下無不散个筵席，臺灣、南洋飛去飛轉八到，最尾一年單淨斯一隻飛轉來。看佢日時頭挨挨轉緊飛，暗晡頭就企在門鈴該位，等幾下日等伴毋著，叫聲緊來緊淒涼，長聲思念短聲情。一日朝晨，燕仔在寶前挨幾圈過後，當像告別，長鳴一聲，飛出去就無再過轉來咧。

過後就無燕仔來佢屋下作寶咧。三年過後，阿公正摺烏寶劇忒，毋過，到今跡還係看現現，就像屋下个燕仔，還留在佢兜个心肝肚。

¹ 玻璃翼：音 pia` rhid` ；拍動雙翅。

第三篇

【四季个感動】李怡蘋原作

佢屋下脣頭有一隻細公園，對佢間肚个窗門看出去，堵堵好膠一頭大樹相對面，一年四季，佢長下探頭出去看佢千變萬化个面貌。青葉、白花、黃枝，還有在大樹下石凳頂坐寮个人，無論春夏秋冬都像一幅幅靚靚个圖畫，佢單淨坐等看就做得感受著四季个變換。毋過，四季分佢感受著个毋單淨係靚到耐毋得个景色，還有个就係佢對人生个體會。

今年新春時節，空氣裡肚都係春天甜甜个味緒，萬物都有新氣象，佢屋下也有好事來到。四十零歲个滿叔，望恁多年總算分佢望著一個妹仔咧。這細嬰兒肉卒卒个臉身，紅冬冬仔个面頰卵，還得人惜哦！人講，人个一生可比一年四季，恁樣，這正出世个細老妹應該算係春天咧！佢幼幼嫩嫩个手指公，就像春天樹極頂正綻出个嫩芽，佢人生个四季正開始，定著愛當細心細意照顧，望佢定定仔大。

想啊想仔，這十過年來，爺哀毋知費忒幾多个心力，正有好膠佢對細細隻仔撚¹到這下恁大人。來到人生夏季个爺哀，愛擔起

个責任重、壓力大。佢兜當像熱天个大樹，風搓來發風落水，為著遮等一屋下人，高大个樹梗愛耐等企到嶢嶢；在熱燂燂个日頭下，甘願自家分日頭晒，也愛用青溜溜个樹葉仔抵等坐在樹下个佢兜。

人講：「春有百花夏有風，秋有月華冬有雪。」這係四季無共樣个景色，也係人生變換个過程。佢兜个腳步緊行緊遠，年堵年毋識停跔，一隻正愛來，一隻煞煞就走咧，毋堵好一眨眼這四季就過忒咧。有一擺，佢姆看等該頭大樹柔柔仔講：「秋天一到，這樹葉敢怕就愛離枝咧。」佢知佢姆想著明年佢愛去外背讀書當毋盼得，佢安慰佢講：「毋怕啦！等春天時節佢就倒轉來咧啊！」

前一駁仔聽佢姆講，窗門外背該頭大樹老咧、著病咧，佢心頭一顫。係啊！佢仰無想著爺哀有一日也會行到人生最尾个季節呢！春天會再過來，毋過人生个四季斯無再過一輪个機會啊！從細，係佢兜陪等佢，一年過一年感受四季無共樣个感動。係有一日，佢兜个冷天來咧，換佢做佢兜燒暖个細日頭，陪等佢兜共下回憶人生中每一隻感動个春夏秋冬。

¹ 撚：音 ngien¹；拉拔長大之意。